

Bo ke partisipá den un Hunta di Komisario na Boneiru? Bo ke sa mas tokante Good Corporate Governance?

REGISTRÁ PA E KAPASITASHON HUNTA DI KOMISARIO NA BONEIRU.

E ofisina di kompanianan di gobièrnu (Bureau Deelnemingen) ta enkargá entre otro ku preparashon di reunion di akshonista, supervishon riba kumplimentu ku e strategia formulá di akshonista; elaborashon i ehekushon di maneho di nombrashon, inkluso rekrutashon i formashon; vigilansia di e raportahenan ku ta spera di kompanianan di gobièrnu; kuido di maneho di publikashon i komunikashon; mantenshon di e kontaktonan di trabou ku e otro instansianan enbolbí; sosten na momentu di formulashon i ehekushon di maneho di remunerashon.

Ken ta bini na remarke pa esaki: habitantenan di Boneiru.

Dikon?

- Entidat Públiko Boneiru tin 14 kompania di gobièrnu: kompania anónimo i fundashon. Esunnan mas konosí ta por ehèmpel: BIA, WEB, BONLAB, òf Fundashon Wega di Number.
- E kompanianan di gobièrnu akí ta sòru pa fasilidatnan krusial ku mester ta garantisá pa habitantenan i empresanan na Boneiru.
- Konsientemente a pone e tareanan riba un distansia pa por ehekutá nan mas mihó.
- Durante e último añanan Kolegio Ehekutivo a desempeñá hopi trabou pa duna e base rònt di bon gobernashon forma mas aleu. Por ehèmpel bo por solisitá pa un funshon den Hunta di Komisario.
- No tur ora habitantenan di Boneiru tin oportunidat pa bira supervisor, pasobra falta e base pa e funshon di supervisor. Netamente konosementu lokal por ta un aspekto komplementario den Hunta di Komisario.
- Pa e motibu akí Entidat Públiko Boneiru ta kuminsá ku un programa di kapasitashon pa habitantenan di Boneiru, di manera ku nan por kumpli ku e eksigensianan básiko pa e funshon di supervisor i ku nan por solisitá.

Kiko bo ta bai hasi?

- Durante e kapasitashon bo ta optené e base pa prepará bo mes pa un ròl komo komisario den un kompania di gobièrnu. Nos ta yama esaki tambe: good corporate governance.
- Tambe bo ta siña e parti finansiero di e komisariado i e parti ekonómiko.
- Ta trata e dilemanan ku bo ta bai topa kuné i kon bo por aktua den un forma independiente i íntegro.
- E kapasitashon ta kombiná konosementu teórikiko ku ehersisionan práktiko ku ekspertonan (di eksperensia) di e kompanianan anónimo i fundashonnan na Boneiru. Bo ta simulá un reunion di Hunta di Komisario, di manera ku bo ta bon na altura di kiko tur e ròlnan ta enserá.



Eksigensianan:

- Habitante di Boneiru
- Minimalmente HBO òf ekivalensia den formashon òf eksperensia
- Mester dominá papiamentu
- Mester ta di komportashon intachabel pa den futuro por pasa e skrinen di integridat.
- Na komienso di e kapasitashon bo no tin mag di ta den funshon na Entidat Públiko Boneiru òf RCN pa evitá konflikto di interes den e kompanianan di gobièrnu.
- Mester tin ambishon pa den futuro solisitá pa supervisor den un di e kompanianan di gobièrnu.
- Invershon den tempu. Un obligashon di presensia ta na vigor pa e kapasitashon i tin mester di tempu pa preparashon pa e tareanan di práktika i e kasonan.
- Tin lugá pa maksimalmente 20 partisipante.

Kiko e kapasitashon ta kosta?

- Entidat Públiko Boneiru, den kolaborashon ku ministerio di Asuntunan Interno i Relashonnan den Reino, ta tuma e parti mas grandi di gastu di e kapasitashon pa su kuenta. Di e partisipante ta pidi \$ 250 komo kontribushon propio.
- Despues di partisipashon den kaso di bon funshonamentu bo ta risibí un sertifikado.

Kuantu tempu e ta dura?

- E kapasitashon ta dura seis luna i e ta kuminsá den e di 4 kuartal di aña 2023.
- E kapasitashon ta partí den bloke di 3 ora pa seshon, repartí atraves di algun luna.

Kiko bo tin ku hasi?

- Manda promé ku **6 di òktober 2023** un karta di motivashon huntu ku un CV na **a.bakhuis@themis-institute.org** i **george.mensche@bonaigov.com**
- Bo ke sa mas? Wak riba wèpsait di Entidat Públiko Boneiru
- Si ainda bo tin pregunta, tuma kontakto ku Bureau Deelnemingen via **george.mensche@bonaigov.com**

